

3
171

格物探原

五
止

3
171

十一

東 京 圖 書 館				
五	一	六	三	
冊	七	架	函	類
	二			
	一			

日本 熊野與訓點
奧野昌綱校訂

格物探原

五

格物探原五卷

論自然之心 第一章

上帝亦別有一治世之法，乃自然之心。其一則教誨是父母自無不樂教其子，以期成立，不惟一己教之，亦自無不令之出就外傳，承師訓有國者，長民者亦莫不訓其民，父師君長而外，各國亦有聖賢間世而出，具大聰慧體天立言訓誨一世，諸此教誨人各幼而聆之，長而習之，終身被服如其教誨，誠正幼學壯行，品詣可欽，其教誨或不合習與性成及長而欲變易之，是爲難也。人亦自然而然，依人爲轉移，子效其父，弟效其師，小人則效大人，此乃奇甚，卽己亦有不解一舉一動，言貌辭氣悉效其所愛者爲之，其作事亦然，或是或非，或善或惡，或彼或此，其依人爲轉移者，大抵較之承訓誨者尤甚，蓋以訓誨者之言如此，訓誨者之面目不如此，故效其面目而不效其訓誨，英國有一大儒，幼年

病其一股之筋其有舉動一足一動一惰其弟子未病此者或有酷摩而肖之者焉。人本柔弱自難主張亦自然而然皆受制於時尚時尚所出人皆趨之如衣冠文物等約無二三載不革其故者無間其有便與否有捐其資財勞其工力安其苦難而勉強以隨之者。人亦樂從於世俗羣衆之議某時某事衆有某議非自爲潛心究其是非宜否實與衆附和。有似於羣羊千百一羊逸出羣羊隨之世有衆論新興舉皆隨聲附和明知非是而此心力有未足終無以勝之。人亦各有敬畏上帝之心孩提知識未充究知神明在上亦自無不知其外之所爲中之所存舉爲神之鑒觀有何莫救之苦亦自知號泣上天此心自有生而具復有聖書詳爲指示有父兄之責者皆宜切爲訓誨擴其心使與年俱進將愈知敬恭上帝遵奉誠命如無其書人自無以測上帝之實不能不趨於妄誕心以爲此其上帝乎彼其上帝乎風有神海有神山

有神土有神惑此魔迷其爲罪特甚而其爲患乃不可言矣。之五者自然之心非善亦非不善是可以之治人者其事與品性合而又教誨端學習正時尚宜衆論平敬畏真人無有不善者矣究有其不善者則以敵魔欲害吾人亦能藉此五者以施其權術焉。

論品性癖性 第二章

凡人之生皆有品性分其等有二一爲性有天宜食自於人爲天人自以食爲先務赤子自以其性飢而知乳痛癢而知啼號將欲傾跌手自先舉而爲之防二爲性有先覺凡人觀人之面而知其心之如何亦察人之色而知其意之爲何忿怒之聲至性自思避喜樂之音發性自爭趨成人有之孩提亦然三爲性有所流赤子無知凡有見聞往往與爲效尤皆發於不及覺露於不自知焉。性亦各有癖焉莫先於食食不能一日無工卽不敢一日輟食不能一物所嗜者無算其至要者爲五

一曰穀二曰蔬三曰肉四曰魚五曰果依人之體自必期此五者五者一有所缺則養有未安亦體有未健人人之身有若此莫解之癖此乃強人分離各理各業有必治其園圃有必播彼五穀有必畜此藜藿有必習於網罟飲亦如之或嗜各異之羹或嗜各異之茶或嗜各異之酒必有調其羹者植其茶者亦必有役心役力釀其酒者此乃上帝治世令人終生勞碌咸歸於上帝之掌握若夫人自壯年以往男欲有室女欲有歸互爲婚媾其要爲嗣外亦復有用焉同姓不婚須宜外結外結婚媾則戚漸外聯乃令世宙人民互相聯互相安焉至若癖之生於心者乃更甚其一爲貪知之心此心自生而具年愈長心亦愈增幼而有見必問有問必詳時恒有然及其長也則好聽察鄰里之事鄉黨之事一邑一國普天之下惟務心熟悉之明道之人或嗜讀書或嗜出遊流連景物推致物理此心之熱幾如飲食之不可緩或晨起而訪新聞

或讀書勤苦致傷心損目亦有遠適者勿計其寒勿計其暑勿計其飲食缺乏惟務詳及地輿格致家誠熱心於此亦皆詳及萬物之理日精一日此其心大有益也一則排難解紛和睦鄉里二則讀書稽古學於古昔聖賢歷代事蹟以修身而成德三則遊歷各國洞悉各國律例以裁成其國之法亦廣咨博訪周於世故可以修己可以待人可以治人四則推致物理日精一日足扶翼人日多一日令世人各奮勇爭前日爲興起其二則希榮之心舉世男女大小咸欲要譽於人望人人皆爲譽揚供使令者希榮於主農工商賈亦各仰譽於人至於儒者著書立說每憶及外人獎許故不憚勤苦學者亦以此望之師師以此望之大人大人以此望之其上之大人其上之大人望之王者王者望之上帝此心亦更有用益一令人苦心勤敏竭力工作二令人盡禮盡愛溫柔待人三令人樂於賑濟貧苦疾病死亡施捨用度假如人欲求此心

有何關係則試思之如無此心舉世人等其將與禽獸奚擇哉將舉世
毫未有安惟有干戈爭鬥互相殘害而已其三則貪利之心有生而
具愈長愈甚男女老幼野人化人中西莫不皆然此心在人最爲牢不
可破者此心一爲不善一亦具有益用焉一爲生命之原財愈足給養
愈豐飲食衣服宮室器用愈精權力愈大二則令人貨殖貲薄者鄉里
滋息少有則市肆門智富有則商於各國貨者售者各以和氣相通故
此諸人甚不樂有爭鬥事此乃令舉世人等互相關易聯爲一體三則
生財既足始能大建功用裕國便民如人無厚貲不復能製輪舟無輪
舟則人貨往來各國不能速便西國亦有輪車造有鐵路數千里如
無厚貲尤不能成此巨務等四則舉世人等皆務生財因而貨殖此一
念洋溢乎中心無暇於爲非作歹反覆不安五則貨財殖矣華其宮室
置其田里美其器用貲愈厚三者亦愈精此其人愈益思輔助官家整

理人民以期國泰民安故此愛財之癖乃所以令舉世太平復有莫大
之用乃令人遠適異國或爲久居或爲暫寄皆各有益中華遼東蒙古
一帶等處極有樂土無人欲往無欲往者地仍荒蕪人仍生野有負於
上帝創置如有人焉聞其地最宜生殖皆遷徙而往耕作焉生理焉前
四十有五年英國人民甚多無以供給頗爲一難莫知所往將何所爲
美國西鄙金山省地地極肥腴無物不長有自彼書寄英人謂其地產
金實多英人往而覓之有明於農者復相其土宜而播種之其後年穀
豐稔貲財繁殖較勝采金者無算其始往者舟行大西洋繞南洋而西
而北實爲不便嗣後美國開一火車鐵路自美之東省紐爾約直至金
山其中間有地至美至廣內產金銀銅鐵煤等惜無人往惟有本土野
人一二自有鐵路以來往而居焉者不少地之廣也雖至千百年人猶
不能徧滿焉前復有一事幾類於此南洋有大海島名澳大利亞並新

錫蘭昔爲英國充徙軍犯之地前二十有五年有書來英謂其地產金人多遷居焉今其地有城邑有商賈約有彷彿於英國此乃上帝以此愛財之癖調理世人其四乃上人之心學校有之一鄉一里一邑其人蓋無地無之此其心具有一奇愈有得愈覺不足昔馬其頓國有一英武之主名曰亞力山大其好上人之心無已先并希利尼國次并巴西國遂略地及於各國及至印度西部忽而垂首喪氣泣涕漣漣蓋意世宙盡於此矣無復可以兼并者矣此心亦一以爲不善一亦大有用益此其人帝王出其中臨馭國家民咸威之相臣出其中澤被生民將臣出其中善用兵武爭城略地拓土開疆若此者實爲輔相上帝平定世宙其五則友愛之癖人自樂有妻室樂有子女聚首一堂外亦樂爲結交一人有友或十或二十友亦各有其友彼此互相連結推而廣之可以無遠弗屆此其癖大有益焉人或疾病家人足以供奉湯藥日侍

晨昏遇何辛苦友可扶助有何憂患往謁朋友談笑嬉遊可以排解可以安慰如此則世宙增如許快適雖人各有憂苦各有患難可獲福樂且人亦各得以互相保護外此人復有一性情大爲益用父母之愛子女不惟養食之拊循之亦自然而然欲教之以爲學訓之以遵守成規及其長也或令其業儒或謀其生理擇其善處意欲其修德禔躬名揚內外超出前人斯世無何可足其父母之心較望子之興起爲尤快者此其用無與比者蓋以世之爲父母者各具此心實爲善承天意使世宙平康日爲興起其或有不信者則試反乎六者而思之假如人無飲食之嗜好必不復能知其飲食之多寡足否或有其嗜好而穀蔬絲棉皆自能生成不資人力男女老幼皆爲閑民將普天生民咸流爲匪僻充塞世宙誰其復能攝理如無男女之欲生理早滅人類絕矣如無貪知之心孩提不增知識人各不思學習幼壯而老終身等於犬馬

如無好榮之心則無往來之禮儀周折之規矩粗野無文奚異於物類如無貪利之心則宮室車馬衣服器用皆無華美將仍巢穴之陋如無上入之心則不能發憤爭雄日爲興起比於汗池之水滯而不流速臭而穢如無友愛之心則人皆孤立無與獨立無成無何扶持無所庇護禽獸且敵人而滅之如無培養後嗣之心則赤子成人者少死亡者多其有存者亦代愚一代世宙日卽墮敗卽此六者反覆而思不惟實有上帝不惟上帝實治理世人凡此諸癖非能自然而有亦非出人意外乃上帝早爲經營造化人情用以聯合世人者然則人雖無以見上帝實皆歸於上帝之權理焉

論心之感應 第三章

世有如許事故致人心動事不同而動者亦不同焉其一有令人心動而前日生其望者望愈生則力益足力益足益可以有爲善哉此有望

之心儒者爲望其名愈敏其事貨殖者爲望其財愈小其心縱使財不卽生亦終身不能去其望大抵皆然假有何人令人心各生此望彼能帥其民使莫不樂從之舉隨其意之所之但斯世之望多生於虛僞惟上帝予人以天堂之望足使人存心克己無間遇何患苦至死不變其二有令人心動而生愛慕者有何悅目者心動而前以觀其象有何娛耳者心動而前以樂其聲或有味於詩書讀之不厭或有慕於好德愛之無已亦時而爲之服勞襄理其事故上帝置此等事所以汲引世人曲隨己意 此二者吾見其相反者焉則有致人心動而生懼懼則力怯力怯則戰兢惕厲不能有爲心亦昏迷秉權者一怒而宇下之人民畏苦上帝或令大地震陷吞滅生人或令雷行電掣暴擊民物或瘟疫或饑荒或刀兵致普天生民舉爲惶恐不敢稍爲縱恣則亦有令人心動而生厭者目之所不欲視耳之所不樂聽或爲凶惡或爲悲慘或

爲下流者等。一有所遇莫不却身而退。時或奮袂而前。攘臂而爭。敗而去之。總之得望者。心暢體適。嘯歌遊樂。凡百樂於有爲。失望者。反是得所愛者。心閒意安。無畏無縮。失其愛者。怒生之不宜。之事當前。煩苦無似。舉室不安。其三則友朋有故。或疾病。或患難。皆足動吾心之憐憫。憐憫者。所以慰其人之心。免其人之苦。事誠善也。爲如此。則世人之苦有減焉。如反是。則人方憂苦。而仇人來前。苦愈生。苦際其歡娛。尙有可言。際其憂苦。誠有不堪。惜乎人愈有苦。事亦愈增爲人生憂苦。往往百端交集焉。合而言之。人情實爲罕奇。非一物也。非一事也。時而至也。亦時而去矣。情繫於心。旋往旋來。莫能斷割。塞於心。充於身。致全體莫能自主。世之束縛人者。未有較此爲甚者。故上帝卽以吾人之情。治我世人。

論心疾有用 第四章

天下事有不相謀而適相同者。世人各具天良。各有飲食男女之癖。三心性之癖。六自然者。六動心者。六皆上帝預爲造化。以治人者。至深至切。至要至宜。如人皆依此而行。四海之內。兄弟諸國。實皆明哲。實獲平康。實日興起。毫無事故。究之人各任其意。私心自主。違棄天良。恣其癖性。等流而忘返。是以雖用其癖性。不能無蔽。而免於惡。如食以養身。過則傷之。酒以成禮。過則亂之。男女有欲。過則爲姦。貪知者。其蔽也。蕩希榮者。其蔽也。媚好利者。其蔽也。詐上人者。其蔽也。僭與妄友愛者。其蔽也。狎而玩篤。後嗣者。其蔽也。私與惑品性。或廢而棄教誨。或愚而悞表率人者。出其不宜之度。興時尚者。失其本原之體。如翦髮裹足。理有未完。羣附和者。有邪說誣民。滋訟起爭。尊上帝者。有釋道僞途。引魔入世。動心者。有宜有反。亦發而爲嫉妒嫌疑。怨毒誹謗。爭鬥諸不義等蔽。雖然蔽誠有之。然上帝非棄人也。乃上帝自任其意。以此諸端攝理世人。

假有冒爲善良，冒爲學問者，有其嫉妒者，可以伺而察之，以破其僞，而顯其實。有此嫌疑，人各思預防於未然。如古詩云：瓜田不納履，李下不整冠。是也有此怨毒誹謗，人各思潛心修德，反求諸身，以息之爭鬥者。所關尤鉅，人各不甘居下，不能必上，恒互爲上下，有此爭心，乃令人發憤爲雄，以日興起焉。推之其餘諸蔽，亦皆可以令人途窮而思反，見惡而知悔，潛心篤志，以務於聖賢之域。其有不知反而自取敗亡者，亦往往而然，然固不足道也。

論人心之念 第五章

人生之初，其心虛曠，無物，纖污不生，有如紙素，究之具有才能，能視能聽，能聞，能探物，而知覺其形體，小大或動或止，亦能別五味，辨五色，察剛柔，識寒煖，凡物之感，心亦能知，而生慕知，而生厭知，而生懼知，而生樂，亦知其何者爲因，何者爲果，亦具天良，能別善惡，誠僞，愈長，諸才能

亦愈開，假如心無他，能惟此諸才，則皆一無所用，如小孩提心無記性，此諸才咸置無用，不能記憶，不能學習，尤不能生其明悟，擴其靈慧，永其意味，故此記性最爲切要之才能，乃人生日爲興起之原，固非憑虛無據者。上帝有不易之理，輔翼諸才能，令其易爲記憶，亦記憶詳明，其一無間，或事或物，有會集於吾目者，逾時而偶遇，其一其餘亦按時而畢，憶於心，假於某地，曾閱其地勢屋宇商賈人物事宜，凡此者皆連結於心，其後或見其地之一人一物一事，凡有閱者皆相引而起，又如見有食果而憶其味，見有傷割而觸其痛，學者謁一師長，其後追念之，亦憶其書室及書室中人，或登海岸，見行舟有名鳥者，憶其爲粵人，有名沙者，憶其爲閩人，某地或遇故人，後至其地，友雖不在，亦追念之，或居於某而遭虐疾，越日而再至之，所事咸觸於心，外有音書適至，視其書跡可憶，其人之語言面目舉動行爲，並其舉室人等，凡有事故，悉在目

前有一遠行者去其鄉邑千萬里遙至一曠野杳無居人煩苦無似既而席地而坐啓囊而食突見一小七上鐫都會製造印記酷類其家所日用者因而百念感觸而起念其家之父母昆弟日用事物風景外之鄰里戚友後憶及都會之景物商旅交遊暨其所玩之地所樂之事須臾間百端交集往來充塞於胸中時而令其樂亦時而令其憂焉此其理爲至要蓋以偶遇其一者卽因以觸其餘者其餘更觸其餘一一相引可以推暨靡涯無遠弗屆 其二某時凡遇有某事倘復遇其時而其事亦一一爲之觸春日而有何賞心樂事後再值其日而其事各觸於心吾人於春秋冬夏閱歷終歲時事其明年各值其時各憶舊時如某日偶值風暴忽逢災難倘其風暴逾時再來因而不忘其災難焉今茲十一月朔金星過日中西各國人民各以烟薰玻璃映日仰觀如其後言及其事皆憶其前之目睹情形亦憶及烟薰玻璃事或遇有烟薰

玻璃者亦憶及其星日事 其三凡有何物何事何地何人其大小形色事跡適有其相似者偶見其一而舉凡相似者雖不同類亦莫不觸念而起大者觸其大者小者觸其小者形相近者形相觸事相仿者事相觸事可觸物物亦與人地由人來人亦以地起如見何長人長若干尺倘復遇其大者或人或物或山嶺或草木而此一人宛然在目見何珍禽奇獸羽毛華采倘復遇其形類者或禽或獸或但遇其色似者若草木若人之被服而此一珍奇者忽爲憶及見有傷者倘復有其傷之似者無問或人或物皆感觸之見有某屋火災憶及他屋之災今觀於金星過日亦憶及日蝕月蝕事若夫見人之面目耳鼻有何異痣或語言神情凡有相似其人者無不因而憶之至如路遇一人無問其耳目手足或舉動儀容毫有似我友者更令我憶我友矣 此三者內有喻意存焉日之方中照臨下土此有似道之燭照人心故具有聰明者見

日而憶及於道焉。登山非易，愈上而景亦愈增。此有似讀書，稽古明物，察倫心，愈有得而愈悅樂。故有心者登高遠眺，亦感觸而有得於道。蠶入繭脫而復生，信耶穌者見而觸於復生之理，毫無疑義。其四則因有所見而憶及其相反者焉。如見一矮人，思及魁偉丈夫，見一小舟行海，危險憶及輪舟之大，遇有饑饉，憶及豐稔，見有大人侍從威武，憶及乞丐小人赤身無與，見有罪人監苦，憶及廣廈宴樂。事四方者，櫛風沐雨，每憶居室之安，推之茹苦，思甘守黑，知白見善觸惡，見惡思善，儉而思費，勞而思休，見鳥畜樊籠而憶其山梁之空闊，諸如此者，不可勝計。其五則感自外來者甚，或致人憂苦，或增人喜樂。後此諸事中，偶遇其一，凡百不忘。如一孩提受人之侮，外受創痛，內受恐懼，此其事終身不忘。或累日而復憶其人，或遇其受侮之具，此其事亦一一追憶之。又如遠行失路，誤入危險，昏暮無投，無食無家，防凶惡，獸益增惶恐，突有

來者引至其室，救其危險，供其寢食，其後倘遇其一端，凡其所值者皆一一應念而來。又如行千里者，經歷多苦，後有斯須之苦，凡其閱歷歷不忘。假如父母有疾，日甚一日為之子者，因而日憂一日，及其父母既歿，有何遺訓，有何遺跡，異日而問及如此之言，如此之事，一一咸憶及其父母焉。其六則耳目之所習見，習聞者一言其一，而即憶其全焉。如久於京師者，一言及京師字，而其城郭廬舍形勢，舉在目前，聞人姓字，憶及其人之全，地亦如之。聞其地之名，自乃並其地與其地之城垣街巷市肆廟宇，畢憶於心。嫻於詩書者，聞其一言，而憶其全經，或嫻於鼓琴，習於歌曲，聞其一言，而衆音皆悉於胸中。此其理有習與性成之弊，乃其益實多。則以事之難者為之，可以易不經心亦為之矣。士農工賈各備此理，以各善其事焉。

續論人心之念 第六章

前論人心之發念有六，乃其大者。外此各事，其事而其念亦各依所事而生。學者念起於詩書，如嗜史學者，則史學之念起；嗜格物者，則格物之念起；農以農之務，心充其念；工以工之務，心充其念；商以商之務，心充其念；兵伍則攻伐之術，盈其心；舟人則洋海之務，盈其心。氣體爽健，奮發有爲，中心快適，則歡娛之事，光於心；雖或毫末之憂，適自外來，亦未有不驅之使去，而不使之入，以稍阻其興。若夫患難疾苦，憂困於心，則百憂交集矣。雖或有至樂之事，欲入而解之，或至密之友，欲勸而慰之，將更以談笑之境，反增其悲泣焉。人方怒時，倘別有事，至乃益增其怒；其事復引，其餘事足令怒者，念不可言。假如人謹守中庸，則中庸之念在茲；君子恒念爲君子，小人恒念爲小人，無問何人，人有何爲，或平康或疾病，萬念紛乘，要皆依前之六者。大者而興，或有疑於此言者，如其存心漸察，謹伺其發念之幾，必知理實有此六者，互相連結於心。

所言不爲虛矣。有心者沉潛反覆於六者之理，可以知人心諸念非一一獨生之，如子然一人各自爲主，乃一一牽引，有似於連環之索，各以六而連固結之。至此六者，凡人皆具，旁亦連其小者，乃人各自具者，此連環之索，莫之能斷，非惟莫斷，亦其環日增。一日故人畢生所事，皆牽連之，而內存於心，突有某物某事自外來者，致人所思不及，幾於忘者，皆引而起。畢生所事無一之，或遺人心有類於靈妙之琴，其絃之部位各有定音，播之某絃，則某音來，應故吾人之心，念逐一皆安爲布置於方寸，其有何感自外來，卽何念應之而起。此心之念時恒出之，如水之源，莫止其流，如偃臥時渺無關心，此念依前之六者自爲牽引，而生如逢快適，可視此諸念之互爲往來，寢寐時亦出之，安寢則不及覺，寢有不安，因而成夢，夢則心不守舍，故夢乃虛幻。然人雖不能止其念，而不發亦不能主，其念使各由己意，假如友遇苦難，吾可往而慰其

心令甚宜之念生之以曲爲之解不令不宜者生之致愈增其苦友之心慰吾可以去而宣道不雜以他念以善解經訓之意此其事畢吾亦可以謁見大人理何事故非誠益其事之念不令之生既而歸吾復可以甚宜之念述爲文詞自能主他人亦得而主之人可以訊吾無問吾之欲不欲彼有某問其念自不能不興言不必言思實及之况上帝亦感動人心令凡有所爲舉赴心前良心判其宜否或用斥責或用勸勉此乃所以治世者而且沒世以後卽以此諸念審判吾人各以其身之所爲或善或惡受其不易之報

論上帝福善禍淫 第七章

上帝如欲強人爲善甚易易事也如一伶巧者作爲鐘表其輪軸發條布置一一恰當各按其部位運行無少缺略無少齟齬驗之何時皆宜毫釐不紊若此者非人也乃物也不能惡不能善不爲人不能善不能

惡則心無至樂心無至樂爲人奚益耶穌謂上帝能令石作人謹依律法而行究非上帝之意也世人早自尋惡而行上帝欲令惡者自欲去惡遷善成爲義人故法有如許以感動人心令人自願尋善而行其一人生各具天良良心之爲用也有三二示人知其事之宜否一示人以爲善一則賞罰人之善惡如刑官焉有法律有訊鞫有吏役上帝置此心於人令其主治內外或癖性或感動或七情或發念萬萬與凡有所爲者惟此身之平常作事舉動行止此心不問外此若飲食男女等癖若七情若感動發念凡有意而爲之者無一出乎此心統理之外其他何者有誤卽以何極宜之法律用其權以示人人有順乎此心此心嘉與致人生喜樂人有違於此心此心用刑致人心苦不安故此心之主乎一心如人君之主乎一國故有謂此心爲上帝之欽使者乃良心雖自操其權能究賴有聖經而常惺得自行其大權焉然良心之蔽亦有四

其一一人猶未受至正之訓實愚於無稽之風俗如崇奉偶像焚香焚楮游移於凡百鬼神等其二則攻乎異端信乎不宜者而以為宜如印度國俗有一慘事即夫死婦為從死其家人為之備其木架婦即往赴懸而自縊戚友借來化之以火中國亦有其俗但無火化事戚友弔臨鄉里誦為美談此其事實有不合是乃輕殘人命也究之良心不責其入以其幼而見聞習熟其事是為至榮印度國俗亦有人將初生之女棄諸水濱付之河流聞中國亦有之復有造橋梁者以嬰兒填橋梁之基謂無此嬰兒橋梁不成如此等事誠非其本心欲為良心固不為此此乃自欺其心者也亦視乎善者而以為不善如耶穌教有至善之禮西國有合宜之規華人輕之視為惡途蓋以上帝之道照臨未及其心故其視此禮此規也如人以着色玻璃視物莫得清明其三則良心依乎人心凡有不義始猶可責而其後亦漸恕之矣其四乃喪其天良雖為

極惡良心視如未有究之無能滅絕此心者時有喪其心者偶遇正人指責或當其將死皆能天良發現痛自怨艾如夢寐之忽覺者假如此心果受至實之訓誨兼具至足之才能實各自為主理一己亦即主理一世矣其一上帝定人心性體質宜於善不宜於惡作善者心坦而體舒泰自生喜樂作不善者心戚而體畏縮自生慚愧作善者快作不善者掬作善者力有餘作不善者力不足此皆上帝所以悚動世人向善者也其二上帝治世與人為善所關甚廣忠厚者鄰里鄉黨莫不敬之愛之扶持之倚賴之較詐僞者甚異博名譽者任所至止人爭趨奉正直者多友邪曲者無之如廉吏清心寡欲不貪於賄不枉於法愛民如子及一朝辭位而去祖道攀轅者不可勝數此雖無一金之餘較穢吏金銀滿室而無此榮者其樂蓋不啻霄壤矣其四則天罰世人惡貫滿盈或遭虐疾猝亡或遇暴雷震死自古迄今代代皆有自西徂東各國

皆然述之不盡試詳其一二昔在周孝王十四年亞蘭王有一軍長
 身遭癩疾詣以色列人先知以利沙醫而得痊立於先知前曰今我知
 天下惟以色列族中有上帝願饋禮物請勿却以利沙曰我指所事之
 耶和華而誓我必不受促之固辭以利沙之從者其哈西貪於貨財故
 於軍長去之無幾追而給之曰我主遣我告爾曰今有先知之徒年少
 者二人自以法蓮山來就我請以銀一千五百及衣二襲與之軍長曰
 請受三千促之而許遂取銀三千盛於二囊與衣二襲使二僕負之以
 行在其哈西前至於山岡則受之藏於室中遂遣二僕往進立於主前
 以利沙曰其哈西從何而至曰僕無所往曰彼下車逐爾之時我心非
 與爾同在乎此時豈可受人所饋或金或衣以售橄欖園葡萄園牛羊
 僕婢乎故乃慢之癩必移於爾及爾苗裔歷世勿愈遂出成癩皓白如
 雪見列王紀上
下卷五章猶太國當周宣王十七年有王名烏西亞國強心驕以召禍

患干上帝耶和華命入殿焚香於壇祭司長亞薩哩亞與耶和華祭司
 八十人從王入殿諫曰凡焚香於耶和華前者惟亞倫子孫為祭司則
 可非爾所得與焉今爾干大典入聖所上帝耶和華必不加榮爾宜速
 退王於殿間壇側祭司之前執鼎焚香聞諫而怒額忽患癩祭司長亞
 薩哩亞與眾祭司望見王額患癩遂驅之出王亦速出知為耶和華所
 擊王既患癩終身不治異室獨處不得入殿其子約坦理王家鞠光民
歷代志下
二十六章耶穌復生後始立教會教友皆鬻產輸金以均需用有名亞拿
 尼亞者與妻撒非喇鬻產夫婦同謀潛藏數金餘挈置使徒前彼得曰
 亞拿尼亞胡為撒但惑爾心潛藏售田數金以欺聖神耶田未售非爾
 田乎既售非爾金乎心生此念何為是爾非欺人乃欺上帝也亞拿尼
 亞聽此即仆而氣絕聞者大懼少者數人起殮尸昇出葬之逾時有半
 其妻亦入猶未之知也彼得曰爾售田之值止此乎明以告我曰然止

此彼得曰爾曹曷與謀試主之神耶葬爾夫者足已及門亦將昇爾出矣婦立仆其前而氣絕少者入見其已死昇之出葬於夫側全會與聞者咸大懼使徒行傳五章嗣後東漢建武十有六年猶太有一希律王困苦教會殺一使徒意尚欲毀滅教會時希律甚怒推羅西頓人二邑人因來求和希律衣王服坐於位面諭之民呼曰此上帝之聲非人聲也希律不歸榮上帝主之使遂擊之爲虫所噬而氣絕使徒行傳十二再後至東晉昇平四年羅馬國王名如利昂其王少年信奉耶穌領受洗禮登位後背棄耶穌謂余不信余信羅馬依古以來所奉之偶像凡有廟宇皆爲重飾度其僧尼道士講經誦法禁絕耶穌聖教亦著書謗詆羅馬境內凡有禮拜會堂金銀器具皆收斂之賞資兵民亦嘗試耶穌教人令棄耶穌供奉偶像人咸不樂乃止閉耶穌教書塾禁止宣講亦下令國中勿許稱謂耶穌字意欲盡耶穌教會悉爲滅之聖書言耶路撒冷傾圮無能建

者直待耶穌自定之期此王欲先知之言無驗乃發其工役往耶路撒冷重修聖殿工役操作方起基址突有火自地出焚燬工役殲滅無遺王聞之憤怒耶穌之氣愈衝於懷嗣後王往戰於巴西國身獲重傷血流濺濺彼以手承而舉之隱指耶穌厲聲喊曰爾加利利人戰勝矣言畢氣絕若此等事如詳言之積卷不能終其說人生斯世常目睹夫天罰及人致人改惡遷善類如兇惡者志欲傷人遭厲虐疾體或麻木或被屋壓或受雷擊事不恒見時而有之乃令人知上帝欲警覺人心日爲乾惕又前明嘉靖三十二年英國有一顯官捉二傳教牧師擬以死罪命人束縛之加積柴上燃火以焚之官於此時不遑飲食急望牧師死音來報從容快適以飲以食方食時突生奇疾徧體潰爛臭惡不堪無人至前彼身受痛楚心增苦難別無所爲惟詛人詛上帝出不可出污穢之言而死又北英國有一駛船主人幼年差強壯而自暴沉溺於

酒嗤笑侮辱耶蘇教徒詛咒鄰里一日於旅次無故大怒肆口詛罵突而血氣大升衝絕血管須臾而斃

論上帝以惡滅惡 第八章

余讀舊約列王前書十有六章昔以色列王以拉卽位之二年其臣下有名心哩者忽而謀叛弑其國王於得撒代之爲王以色列族聞之卽於是日立軍長暗利爲以色列王暗利率以色列族衆自其庇頓往攻得撒心哩知邑已陷乃進王宮縱火自焚緣其行惡於耶和華前從耶羅破暗所爲使以色列族陷罪故也見十六節至十九節又云暗利行惡於耶和華前較前王尤甚二十又云暗利子亞哈治以色列凡二十二年行惡於耶和華前較前王尤甚二十九節列王後書九章云爲先知者年尙少詣基列之喇末既至見武士之長皆坐曰長者我有事相告耶戶曰欲告何人曰長者爾卽是也耶戶起而入室先知傾膏於首曰以色列之上帝耶和

華云我以膏沃爾使治我民爲以色列王爾必滅爾主亞哈之家昔耶洗別殺我先知衆僕故行殲滅以雪其忿亞哈全家必淪胥以亡在以色列族中我必絕其所有或僕或主不遺一男使亞哈全家與尼八子耶羅破暗家亞希亞子巴沙家無異在耶斯烈田耶洗別必爲犬所噬無人埋葬先知言竟啓門而遁見四節至十節埃及國人心蠢而驕崇拜偶像兼奉牲畜王與臣民悉行無道時有尼尼微王滅其國尼尼微王與其臣民仍蹈於惡嗣有巴比倫國王得其國巴比倫王驕奢肆惡銷金鑄像高六丈廣十尺立於巴比倫土喇平原之所召方伯州牧顯宦刑官筦庫之士刀筆之吏諳法之師與衆邑宰俱至欲鑿所鑄之像百官既集立於像前將行禮道人大聲呼曰民人族姓王命爾曹聞角鼓琴瑟笙簫樂器之音卽當伏拜尼布甲尼撒王所鑄之金像不然立投爾於洪爐見但以理三章一至十節後又心驕自謂此非巴比倫大城我所建造者乎我以之

爲國都顯我能彰我榮言未竟自天有聲曰上帝有命爾將失國當驅逐爾不與人偕居而與獸錯處噉蕪若牛以待七年之屆俾知至上者操權於寰區隨意升降我卽於斯時遭此災患倏被驅逐不與入居噉蕪若牛身爲露所沾濡首髮長若鷹翮指甲利若鳥爪其日既屆我尼布甲尼撒仰觀乎天心復靈慧頌美永生至上之主其國靡暨永世弗替斯世之億兆藐乎其小有如無物天上軍旅地下人民上帝隨意而作其取之孰能禦之其爲之孰能詰之是時我得靈慧光復舊物尊榮赫耀我之議士牧伯再謁見我我國復立威儀郁郁見但以理四章三十一節至三十六節其後王爲惡較尤甚肆筵設席召有爵位者千人咸赴王譙與衆同飲飲酒時命取金銀器皿乃王之祖尼布甲尼撒得之於耶路撒冷上帝殿者遂取之至王公后妃以之飲酒飲時美金銀銅鐵木石所造諸上帝忽有

人手之指顯現書文字於王宮粉壁燭臺相向之所王見之勃然變色

中心鬱陶腰骨閃損兩股戰栗大聲召諸博士太史卜師巴比倫哲士

咸至王告之曰有能讀斯文字解其義者身衣緋衣項繫金索爲國之

相職居其三哲士入文字不能識奧義不能明但以理五章一節至八節但以理讀其文

而譯之二十五節至二十九節前米太王大利烏曾圍巴比倫城莫能破蓋其城大而

壯門亦堅固牢不可破足恃以無恐有一河出入城中其水門爲極堅

鐵柵最難出入當此夜中大利烏命人潛掘其河令爲旁流一擁而入

是夕迦勒底王伯沙撒爲敵所虜米太人大利烏得迦勒底地而王之

但以理五章三十一節大利烏王之後裔亦復作惡於上帝前馬其頓王來滅之馬其

頓王死其國分爲四四國臣民皆奉偶像後羅馬國王滅此四國督理

天下越數百年羅馬國人亦奉偶像沉湎酒色有蒙古往敗之時日耳

曼國退去蒙古立爲至大之國嗣後法國勝之爲天下主再後英國起

焉爲天下主現今時國有其三卽英國美國德國皆爲供奉上帝之國

王家人皆信奉耶穌爲此大國主理天下三國見以爲然無或以爲不然者

論惡人自陷其網羅 第九章

世有事甚不平致人莫可解者善者多困苦而惡者多奮興惡者喜恣睢而善者蒙其侮辱或謂上帝治世奚爲事有若此者欲求其故有二焉其一上帝如盡去斯世之惡者則善者亦苦假如其父兄惡而早夭其孩提之子弟有善者愈增其苦其東主之惡者或夭則凡助理者咸苦世人皆互相牽連其有何者去之卽有何者苦生之其二則以有來世有審判可以整理其事而各爲報之究之上帝治世亦有報之於當世者惡人每自中其詭計詩篇云惡者拔刃張弓欲害貧乏欲戮善良不知其刃反貫其衷而折其弓兮見三十七章十四節又云斯世之人徧施網罟我心忡忡彼掘坎阱自陷其中見十七節昔中華周敬王時巴西國有王名亞

哈隨魯其朝有二臣一名哈曼爲亞甲人一名木底改爲猶太人哈曼本惡嫉妒尤甚木底改敬畏上帝哈曼位冠羣僚木底改位居其下以士帖紀詳載其事今試撮其大略當其時凡御閣待命者俱遵王命揖拜哈曼惟木底改不拜同寮問之曰爾奚違王命木底改以己爲猶太人告衆衆以告哈曼哈曼怒甚既知其屬猶太族意謂陷此一人猶微事耳將殲滅其衆於通國俾無噍類哈曼奏王曰有一族之民散處天下州邑異律是從不遵王命如王以臣言爲然可頒明詔剪滅斯族我當以金一千五百萬輸於國帑以補賦稅王乃以環賜之曰余不納爾金惟爾所欲爲正月十二日王召繕寫從哈曼所欲書之詔依各州方言文字鈐以國璽普告臣工方伯民長遣郵頒詔各州使於十二月十三日殺戮猶太人取其貨財凡旄倪妻子毋俾遺種木底改知此自裂其衣衣麻蒙灰徧行邑中大聲哀哭至御閣前因衣麻不可入詔至各

州猶太人禁食，哀哭，衣麻，蒙灰甚，衆內豎以告。后遣內豎問木底改所爲何故。木底改以實告，囑后見王爲民求恩。越三日，后衣朝服進深宮。至殿前，王曰：「后来何求？」卽國之半。我亦與爾。后曰：「我已設筵，如愜王意，則令哈曼侍王赴宴。」王命哈曼速行。如后所言。宴飲之時，王謂后曰：「爾有何求？」后曰：「如王悅從，我所請，明日王與哈曼赴宴，我乃以所求陳於王前。」哈曼中心欣喜，退而招其友及妻。西勒曰：「后宴王，羣臣皆不得與。惟我一人侍食。明日宴王，我又見請，惟見猶太人木底改不快。我心其妻與友謂之曰：『當立木高五丈，明日求王懸木底改於上。』然後從王赴宴。哈曼善其言，使立木焉。是夕，王不得寢，命取歷代志略誦於其前。有云：『內豎某謀弒王。』木底改知之，首告王。問侍臣曰：『木底改首告當時，膺何賞？』對曰：『無之。』曰：『孰當入直者？』對曰：『哈曼。』時哈曼適至王宮外院，欲求王懸木底改於木。王宣之進，問曰：『余賞一人何如？』哈曼意謂王欲

賞者非我，其誰遂曰：「王欲賞之，則備袞服、路馬、王冕，命大臣以賜之。爲之執轡遊行，邑衢播告於民云：『惟王大賚如是。』」王命哈曼曰：「誠如子言，速取衣馬。」木底改在御閣，卽以此飾之。母少欠缺，哈曼遂取衣服馬匹，賜木底改爲之。執轡遊行，邑衢播告於民。木底改反御閣，哈曼趨歸，蒙首哭泣。王之內豎至，請哈曼急赴后筵。宴時，王謂后曰：「爾有何求？」后曰：「如王施恩，婢子俯聽。我所我與我民爲人所陷，殺戮隕亡，卽當我爲奴婢，我亦無詞。惟有損於王敵，雖輸金無所裨益。」王曰：「孰敢設是謀？」其敵何在？后曰：「敵非他，哈曼是也。」王怒，內豎破拿告王曰：「木底改昔有救王之功，哈曼反立木於家，高五丈，欲懸之於上。」王曰：「卽以此木懸哈曼。」昔哈曼立木，欲懸木底改，今反以自懸焉。

論上帝以惡人濟善用 第十章

上帝每以惡人濟上帝之用，其事不可勝計。茲特舉其一二顯要者，昔

耶穌升天門徒安居耶路撒冷心暢意樂爲其主獲在天之榮無出而
宣道之意故上帝令諸不義官民逼迫聖徒使徒行傳云當時在耶路
撒冷聖會大遭窘逐使徒而外皆散處猶太撒馬利亞諸地散處者葬
士提反爲之拊膺大哭掃羅噬害教會入其家執男女囚之散處者徧
行傳福音腓力至撒馬利亞邑以基督之道示人衆聞腓力言見所行
異跡心向往之有多患邪鬼者鬼大呼離人而出癡瘋者跛者得愈邑
中大喜由此耶穌門徒散往各國有幾及中土者則名多馬者也亞
美利加洲自古至前明時無何禾稼果蔬但見峻嶺參天大木林立土
盡荒蕪人惟生野歐洲人民日增一日繁衍稠密須此曠地必宜有先
往而爲之導者惟不宜以貪惡者作其始爲夫導其始者卽踵其後者
之成式也故上帝必以廉善者導之越在萬歷三十有五年適英國第
一雅各王在位其王善則善矣但以人從欲亦強人依其自定禮儀崇

拜上帝其有不樂從者仍以聖經古禮行事英之國中有一邑名士克
路卑邑有明敏忠厚諸人潛自聚集一室守其禮拜禮儀有訴之官者
各附王意以磨難其人苦不可言難者太甚苦不自安諸人共謀堅意
往徙荷蘭爰携家資器用男女人等皆由海口登舟舟且開行追兵突
至舟中各驅之登岸肆掠其家資器具將其人執之官道旁曠者指不
勝數已而皆繫之獄越四旬餘始釋之回其明年諸人仍潛赴海口思
往荷蘭登舟者半未登者半繼有小舟附岸促之速登舟主遙見追者
兵馬齊擁而前乃不俟後登者起錨而行先登者從容而抵荷蘭未登
舟者仍就執繫於獄越時仍釋之後各一一散行歲餘皆抵荷蘭嗣後
英國有耶穌教人蒙難者皆接踵而入荷蘭同先至者居焉此其人皆
英國中之最足倚賴者居荷蘭凡十有一年其時荷蘭人精於工藝或
布或紙或書籍皆精巧絕倫故此英之難民潛心勤敏學其工藝學既

有得不欲久留，乃合議共越西洋浮海而往美國，爰售夾板帆船一隻，名曰美飛路兒，船之大容百有六十噸。時值前明泰昌元年，耶穌降世千六百一十年，舟載具備，百人先往，登舟後，牧師率眾共禱，禱畢啓行。其時爲秋閱兩月半，至冬日而至其地，其水土有類於中華山左風景，則宛然之。罟左右時屆嚴冬，滴水成冰，人苦太甚，有聰明者幾人離舟而去，憑石登岸，岸無廬舍，但有草木成林，爰築其室，不暇壯美，故其歲特增苦難。有死亡者，亦有野人起而爭鬥，敗其野人，此乃美國之基。其後人民漸增，漸亦興起，直至於今，此其故有三：非英之長民者逼迫之，其始諸人無去國之思，非上帝感之，令其先入荷蘭，不習其精巧技藝，以爲起家之計，亦無以傳示子孫，非其信奉上帝，確有主見，入此曠土，蒙此艱難，不能恒忍其心，至死不變，使聖道綿延及於子孫。

論死後復活 第十一章

復生之道，乃耶穌教基址中之一。

見前自來人書
六章二節

復生之事，非失魂而返，既死

而甦，蓋及期而舉世之墓盡開，自太古以來，所有死者皆復生焉。其理至爲奧矣，究之此理皆自萬物顯之人能細心體察，而此理自明如時。至嚴冬，宇內之禾稼草木皆枯，幾類於死，乃至春日，皆淳然而生，草木向榮，咸被以花葉，虫豸皆啓戶而出，飛鳥弄其喉吭，故此春夏花菓胚胎皆預備於嚴冬之日，播種於土，其種不死，不復萌芽，結實。耶穌曰：我誠告爾，粒麥遺地未化，則仍是一粒，化則結實多矣。見約翰十一章二十四節。故人皆倚此復生之理以爲食，棉之種未化，則無棉，蠶非成繭而死，則無絲，故人皆倚此復生之理以爲衣，然則春之發生，夏之長養，秋之收斂，人之有何喜樂，皆自復生之理而來。試詳言之，假如播種之一粒於土，待其後視之，可以知其種之外愈朽，而內愈萌芽，既出地，則其種盡矣，如吾身內有何物爲不能朽者，雖其外體皆朽，其不能朽

者卽不能不生有，一切近之喻莫如鷄卵卵之內有黃有白，黃白之間有膜，膜之內卽未生之雛，其物內別無所有，幾如水母鷄媪伏，一日則其體加長，有血管出而吸其黃，血管日增，一日至三日則滿，其黃時乃有心，心尙無血，踰三時見有大血管二，內有血，至六日其翼與股可驗，七八日其首與目可驗，日完，一日至二十有一日而雛生，微物如此，而况萬物之靈乎？閱此足知吾人身內亦必有一至小靈明之物，爲復生之本，水不能濡，火不能熱，寒不能裂，刀不能割，地不能壓，凡物皆不能毀者，待耶穌再臨，由之而復生焉。非惟種也，卵也，足以顯此復生之理，譬彼飛虫，尤詳且明，焉各飛虫經秋各遺其卵，春日而卵各生，蠅蠅類各食其草木葉，作繭而死於其中，至期而美麗之飛虫出焉，蠅蠅類可作人觀，繭可作棺木觀，內有屍，至期而飛虫出，可作人死復生觀，此其大略也。試卽蠶之一虫言之，此人所習見，可自鏡者，春夏日蛾生，卵

約十日而蠶生之體極小，日長一日亦易，其色凡三五蛻而成，將作繭，而食繭既成，不動不作，幾類於死，後至其期，美麗之蛾破繭而出，此其事與不可測，其果死而復生矣。蛾之形體較蠶之形體美麗多矣，故人復生之體，當亦如復生之蛾之非復本來面目矣。不惟一蠶，凡物皆具此理也。有可觀者，凡幾係出自水中者，蜻蜓之前身由水而出，故蜻蜓乃由水而復生者。蚊蠅之卵與其卵生之蟲，皆出於水，及其將出之時，其繭上浮於水，繭破而蚊蠅出之，凡飛蟲脫化皆由此理。故某地某時有此飛蟲，卽某地某時顯此復生之據。此上帝愛人之意，其何理莫測，其何莫測之理皆隨在而顯，其如許之據焉。凡畜類生子，各自尋其合宜之地，飛禽亦然，此皆其性生之自然也。此如世人不明於道，各隨其性之所之，擇一善地安葬其屍，其子孫親戚亦皆相爲助理焉。耶穌教聖書講此道理，與萬物所具之理十分相合。聖書曾言：主天地

末日世界之墳墓皆裂。事見約翰福音書五章二十八節使徒行傳二十四章十五節。默示錄二十章十三節。舊約書亦言之。

約百紀十九章二十六節。詩篇四十九章十五節。以賽亞二十六章十九節。但以理十二章二節。猶太人皆預望其事。約翰十一章二十四節。希百來十一章三十五節。猶太人中有撒吐該。教會不信其事。問耶穌耶穌責之。見馬太傳二十二章二十三節。亦別有愚人辯駁此事。見提摩太後書二章十八節。耶穌謂舊約紀載。暨猶太人所望皆為誠然。亦自論此道甚明。見馬太二十二章二十九至三十二節。路加十四章十三四節。約翰五章二十八九節。使徒等亦詳論之。見使徒行傳四章十二節。又十七章十八節。又二十四章十五節。已有復生者矣。見馬太九章二十五節。又二十七章五十三節。路加七章十四節。約翰十一章十四節。希百來十一章三十五節。耶穌生前常謂余死上帝必復生。余

其後死而葬三日果復生。此令人皆知其誠然也。上帝自以其大能大權成此奧妙之事。三位一體齊皆顯現。馬太二十二章二十九節。謂上帝復生人。約翰五章二十五至二十九節。謂耶穌復生人。羅馬人書八章十一節。謂聖神復生人。復生之時。為耶穌再臨之期。信之者先得復生。哥林多書十五章二十三節。帖撒羅尼迦前書四章十六節。復生之後永生受福。但以理十二章二節。復生與耶穌同。其榮耀有光有輝。有能體乃靈如天使。如耶穌受各恩賜。世之奉事耶穌有加者。恩賜亦有加。奉事耶穌少減者。恩賜亦有減。復生之期至。其信耶穌而猶未死者。身體乃變化之。哥林多前書十五章五十一節。帖撒羅尼迦前書四章十七節。其時不信者亦復生之。永受羞辱。但以理十二章二節。亦擬以死。約翰五章二十九節。亦受審判。馬太二十五章三十一節。至末。其先得復生。實為福樂。默示錄二十章六節。其在以西結書三十七章一至

十四節乃聖神顯此復生之理致人明悟人各宜存心務信耶穌積善
 累德乃預定其期既至與善者同復生焉假如死於水或死於火乃亦
 得復生焉默示錄云溺於海者海必出之幽於陰府死所者陰府死所
 必出之使各被鞠視其所行見二十章十三節復生之後乃得永生信耶穌者之體
 比於耶穌一樣榮耀不信者亦有身體退居幽暗永不睹上帝面耶穌
 曰此人入永刑義者入永生見馬太二十五章四十六節故人當知今世非關緊要來世實
 為至要矣蓋上帝有言曰凡先復生者成聖而蒙福祉沒後沉淪不及
 其身為上帝與基督祭司同乘權凡歷千載見默示錄二十章六節

續論死後復活 第十二章

前篇吾言復活之理既驗之於萬物又考之於聖書固歷歷而不爽矣
 而又有一希奇與復活之理大相比附者蝗蟲是也古之時必有之無
 所考究姑不必論會聞昔者大美國中有兩省之地於二百年前見此

蟲者數次初次一千八百十七年有之即中國嘉慶二十一年二次一千八百二十四
 年又有之中際十有七年之久當其時此蟲自何而來如何而生從未
 有知其原由者格物先生因而殫心細考始得其詳原其始生之形類
 如小蟲體質不完色是黑紫好比蝸牛前身只有二足如蚓爬行行至
 樹下緣木上行不過一二尺之高便住於此陡然全身驚動驚動頻仍
 如有戰兢少待體質改變將退原皮先自領後豎裂一縫初次脊出二
 次尾出三次後腿出四次兩翼出翼出甚難必須久待首始出全身畢
 露矣體質雖備而軟弱無力步履艱難且行且止至得所止之處以左
 右望如有怪異之意兩眼昏昧不明待太陽愈上精神愈爽腿之力量
 儘有跳躍而行眼睛色變深紅全身變黃明朗可觀兩翼光亮如玻璃
 似者翼之中間豎有一大筋為經橫有衆小筋為緯如紗羅似者待至
 日午之時蟲之公者能鳴先是最小之聲以漸而大彼此皆鳴東西南

北到處互鳴，聲音紗羅紗羅，如喉啞而不亮，於是來來往往，且飛且鳴，飛鳴不止，來往不斷，如甚慌忙之意。逾三四日，外蟲之母者，遺卵母蟲之腹後，有二小足，足有小齒，如鋸欲遺卵之時，飛於樹梢，小枝先用其足齒，將樹枝磋一空隙，即遺卵於其中，盈其數，再尋一小枝，如前其卵遺在枝內，一不成行，不紊，個個擺列勻停，及又盈其數，俱用腹後齒足，將有卵之枝下邊磋一口，日久枝乾，被風吹動，折落在地，其卵得沾土氣，至此之時，蟲之公者不鳴，力氣日減，朗色全退，眼睛瞎而不見，墜落於地而死，母者亦然，其卵在坭中者，又盡生許多小蟲，遍地皆是，轉瞬間都入地中，愈入愈深，八尺十尺不等，於是無論耕地、鋪道、修蓋房屋，挑取基址者，皆無妨也。再歷十七年，五月間，或道之上，或房基之下，或石縫之中，一一不遺，全數盡出。西國一千八百二十四年有之，一千八百五十一年又有之，一千八百六十八年亦有之，此與復活之理大相

比附矣。此蟲之生，不過十一日，十五日不等待，十有七年之久，在地六千二百零五日，而始復生。若人在世四十五十八九十歲不等，葬於地下，應待三四萬年，而亦復活也，宜矣。又格致彙編書中載有動物活埋不死一事，英國北境鑿山為鐵路者，有一處離地面深十五尺，至二十尺，俱為紅色之石，石內有蟾蜍為石所困，但不知若干年，此蟾蜍困于石內，不受空氣，不得見光，視其放出之後，即雙眸並動，亂吸空氣，如此數次，則漸向田濱而去，且蟾蜍有若睡而乍醒之狀，有旬石一塊，中有蟾蜍十二，此亦奇事矣，而又不意其久困石中而不死也。世間如此等物事，往往有之，此與復活之理正可參看，觀於此等物事，則人之死後復活，可以知其必有，而無庸致疑者也。

論上帝創造萬物令人喜歡快樂

第十三章

上帝創造萬物，不但特意加增人之聰明人之能力，而且令人心內喜

歡快樂如最慈之父養育其子也者夫父之於子飢餓也即予之以食而食必求其口腹之欲寒冷也即予之以衣而衣必備其觀瞻之美天父之愛人亦猶是天父知口之於味也有同嗜焉目之於色也有同美焉故或五穀或菜蔬或魚肉所以充人之飢者而又各加之美味以悅人之口或麻絲或布帛或毛革所以暖人之體者而又各加之美色以娛人之目夫五穀菜蔬魚肉能充人之飢而味能充人之飢乎絲麻布帛毛革能暖人之體而色能暖人之體乎味與色於我何補哉味與色之美惡又何足取舍哉而天父之意不爾也天父生物爲人之食不啻自以爲食者必求其味之悅我口也生物爲人之衣不啻自以爲衣者必求其色之悅吾目也亦不啻非味不可以充飢非色不可以暖體而必求其色與味之有美而無惡也且美味之中而又有五味之調和美色之外而又有七色之紛華天父養人衣人之心之無不到也如是竊

思養人衣人者天父意中之慈悲而又悅人之口悅人之目者實天父格外之恩典藉曰非也天父而外孰能生物而爲之食生物而爲之衣若此哉孰能食必予以味之甘衣必予以色之美若此哉吾故曰上帝創造萬物而能令人喜歡快樂者也天父愛人之意其不減於慈父愛子之意也夫萬物之充塞於天壤間者皆有本來之景象怡人心目而令人喜歡快樂者也試觀其麗乎天者有日月星辰羅列整齊之可觀其載乎地者有山岳河海布置雄壯之可觀其流行於天地之間者有雲霧之浮動虹蜺之出見或聚或散或濃或淡時而出沒時而變化時有五色時有萬象又朝有清爽之氣暮有黃昏之色春有明媚之光藹然可觀秋有淡雅之景豁然宜人是一日之內一歲之間而氣候不齊人雜處於萬物之中其喜歡快樂之心即境而生亦觸物而動因時而遷亦逐日而增其樂也無止境亦無窮期孰爲爲之孰令致之蓋莫

之爲而爲莫之致而至者天父也上帝創造萬物不惟繫於天列於地
散布於天地間者能令人喜歡快樂也卽花果之細物其令人喜歡快
樂者亦不遜於天地兩間之衆象也試先以花論花之色無色不全花
之形無狀不具花之葉卽無形不備或三輪兩輪之不一或五輪六輪
之不齊而孰能枚舉哉吾且樂而論之論其形有萼有瓣有鬚有心四
者之數恆相應萼三出者瓣亦三出鬚或三出或六出或九出而心之
末皆三出萼五出者瓣亦五出鬚或五出或十出或二十出而心之末
恆五出萼瓣之數恆以三與五爲準故有六出者有九出者有十二出
者有十八出者此皆本於三也有十五出者有二十出者此皆本於五
也有十五出者則兼三與五也有有心無鬚者亦有有鬚無心者有萼
與瓣一一相對者有交錯相配者亦有錯雜不相配者總之花之形狀
不一而各有其一定之形狀則一再以花之色言之有一花卽具一色者

亦有一花而兼具數色者但以色論色之純者有三種一紅色一黃色
一藍色者紅與黃合則成丹黃色黃與藍合則成綠色紅與藍合則成
紫色此三種非純色名曰次色又丹黃與綠色合則成鵝黃色紫色與
綠色合則成橄欖色丹黃與紫色合則成灰色此三種名曰又次色如
綠與紅合紫與黃合藍與丹黃合如此者名曰相合色凡相合色配合
最能悅目者如畫工之渲染女工之刺繡及衣服之鑲嵌宜用相合
之色依類配襯則色始相宜也若花之色尤百倍於畫工女工之配襯
也果誰爲配合之哉蓋上帝於天地萬物之色默用此理令相配合以
娛人目故花之色工且備也如此若果之令人喜歡快樂者而又不遜
於花也不惟有悅人之色而又有悅人之味不惟色能悅人之目而味
又能怡人之口蓋七色具備而五味亦俱全故工於繪事者著丹黃而
描畫之工於文詞者作詩辭歌賦以頌詠之凡此者皆喜歡快樂之心

所流露於外者也。然文人畫工能肖其色，肖其形而不能肖其味，此所謂人不能勝天者也。惟上帝所生之物能令人喜歡快樂也。凡上帝生有可悅之物，必令人悅。此可悅之物，除人以外，若飛禽走獸昆蟲，雖亦有官骸亦有知識而能悅。此可悅之物者有幾哉？上章言生植之物能令人喜歡快樂，而血氣之物亦然。如飛禽走獸具有四肢百體，上帝造之而配合其體質毛色，一一無不相宜。令觀之者自生其羨慕焉。吾思上帝之生物也，予之以何性，即予之以何能，必予之以何形，一一相宜而無相左。無兼全亦無偏廢。故去其角者，予以齒，兩其足者，輔之翼，一物雖不足重，而上帝生之，俱有至意在其中。當其始安排其體質布置其骨骸，配合其毛色，蓋巧莫巧於上帝。神莫神於上帝也。天下事習見焉，而若忘反觀之，而易明假使馬配以牛之首，牛配以馬之尾，抑使牛馬配以犬之首或尾，是一不相配者，即百不相宜而觀之者不覺而生厭也。故各獸有不一之性，即有不一之形。各獸各有一定之性，即各有一定之形。至於飛禽亦然。飛禽之種類不一，而體骸翼翮亦不一。羽毛顏色亦不一。一禽而具一色者有之，一禽而具數色者有之。即一毛而兼具數色者亦有之。且七色俱全者有之，而不止全乎七色者又有之。上帝既予以各樣之性，所以予以各樣之形，而必予以各樣之色者何為也？又有蚊蝶等類，其紛華美麗之可觀，尤為異樣好看。上帝生之而必予以紛華美麗之異樣好看者，又何為也？總之飛禽走獸百蟲雖有可悅之形，而自不知悅其形也。雖有可悅之色，而自不知悅其色也。自不知悅其形與色，而其有此形與色者何也？上帝使之也。上帝既使其有可悅之形與色，而不使自悅其形與色者，又何也？上帝之意蓋為人也。為人有喜歡快樂之心，而始使飛禽走獸昆蟲有此可悅之形可悅之色，以悅人也。上帝令人喜歡快樂，又不但在生植之物血氣之物，即

各物

人所日用者其令人喜歡快樂亦不可勝道也如布帛如絲羅如毛革不過用之以作衣用之以庇體已耳一之斯可矣而必用此各樣者何爲也抑或正色或次色或間色不過用之以渲染改變其原質已耳一之斯可矣而必用此多色者又何爲也蓋爲人也除人以外其孰能用此各物乎其孰能悅此各色乎乃物不能用而人用之物不知悅而人悅之此卽上帝令人喜歡快樂之意也不但此也如珍寶珠石等類如金銀所作器物及人所佩服諸物或爲閑暇玩賞或爲屋宇陳設或爲家中密藏凡此皆非日用衣食之所必需者而天父生之何也乃人視之爲無用者而天父視之正大有用也用之令人喜歡快樂也天父愛人之意不百倍於慈父愛子之意也哉人可不恭敬天父乎可不悔罪而感謝天父乎上帝令人喜歡快樂不獨有娛目者之可觀而又有悅耳者之可聽也有如風之生也而鼓動萬物雷之鳴也而震驚百里山雖

無聲而谷有時而應海雖無聲而潮逐時而生急雨之聲淋漓疏雨之聲丁東松濤喬木飛泉瀑布萬類有不齊之名萬籟卽有不齊之聲他如蟬鳴高樹之間蟲吟荒草之地鳥衣巷口之外喜雨之燕聲也絲楊渡頭之隄呼晴之鳩聲也又有山鳥呼名家雞唱曉悅耳之聲不可勝道蓋聲有自天而來者有自地而起者有觸物而有者有形而能有聲者又有無形而亦能有聲者天地萬物之際凡入耳者皆爲聲也動人之感者莫若聲而興人之興者亦莫若聲此所以上帝創造萬物使各有其形而必使各有其聲使影之隨其形而必使響之隨其聲聲之令人喜歡快樂者不可與娛目之色同日而語也哉夫能令人喜歡快樂者又不獨上帝所生之物能之卽人受上帝之聰明能幹而所造之物亦能悅人之目悅人之耳而令人喜歡快樂也如層樓崇閣峻宇雕牆其紛華美麗而奪目者不可勝道如衣冠佩服玩賞珍物其奇異巧

妙而無比者不可勝數此皆有真質有實形者可令人觀其造作之巧也若畫工之摹倣更有巧於此者或山川或花木或禽獸或人物無論四時之景萬物之形皆能彷彿於指掌之間不獨像其象而且傳其神不獨如其形而又肖其致雖莫奪天工之巧而能盡觀瞻之美再以聲論如宮商角徵羽之五聲匏土革木石金絲竹之八音其清濁高下抑揚節奏皆有序而不紊凡此悅人之目怡人之耳者皆有聰明能幹者之所為也夫聰明能幹人具之實上帝予之吾試以唱詩之事驗之西國有先生特教學生唱詩習練腔調節次人求其衆聲求其同或三千人或五千人如琴瑟之相偕如鐘鼓之齊鳴雖數千萬人之聲如出於一人之口又大美國曾有許多唱詩先生同寓一所在一大城之內衆先生又請許多先生有英法德等國之人共計有兩萬同居二十餘日唱詩聲音同歸一轍古今來凡奏弄聲音者從未有如此之衆如此之

衆而能同也此意無他不過令人喜歡而已非有聰明有能幹者其孰能之若上帝予人以聰明能幹雖不專為唱詩而亦為令人喜悅也吾故曰令人喜歡快樂者不獨上帝所生之物能之即有聰明有能幹者所造之物亦能之然天下之有聰明有能幹者亦皆上帝之所造也

論人當知上帝令人喜歡快樂之意

第十四章

前數章講明萬物是為人而生此論人當知上帝為人生物之意無他

一是加增人之聰明 二是加增人之能幹 三是令人喜歡快樂

天父生物為人之意如此乃有人云草木有生棘刺者飛禽走獸有彼此殘害者人有許多疾病者又有遭不測之虞意外之患或艱難困苦之境者又有毀謗人者罵詈人者凌虐人者及以大欺小以小加大者此令人苦惱之至安有喜歡快樂也哉吾想上帝當日創造天地萬

物本盡善而無惡創世記一章二十九節云予汝所食者地結實之菜蔬懷核之樹果亦以草萊予走獸飛鳥昆蟲生物食

論人當知上帝令人喜歡快樂之意 第十四章 三十一 五卷

之有如此也上帝天父又有愛憐人之心如何而有不善之事若此哉
視所造者盡善蓋皆魔鬼為之也魔鬼教人有此苦惱之事天父始令獨生之子耶穌
降世壞魔鬼之惡迹攻魔鬼之詭計感化有信服之心之人去其惡根
予以熱心又令人各盡其本分多行其善事愛人如己彼此輔助使善
事充滿天下令世人都享太平除去惡草惡禽惡獸改變天下人之心
與性情以賽亞十一章四節至九節云為困乏之與謙遜之人聽訟秉公
行義作惡者流必遭箠楚以辭氣滅之腰束以誠腎繫以信當
是時狼與羔同居豹與羊同群肥犢獅子同處三尺之童牧之牛熊同
食共伏其子獅將囓芻若牛赤子將坑於蝮巢方斷乳者置手於蛇穴
在我聖崗悉無所害耶穌之道亦治理萬國之人分別善惡使惡者盡
徧於天下若水在海無往不有滅善人興旺默示錄第七章九節至十七節云自後我觀群衆不可勝
數由列國民及諸族姓至立於位及耶穌前衣白衣執棗
枝大聲呼曰我之得救實賴居位之上帝暨耶穌位左右靈物諸老在
焉天使環繞之俯伏位前崇拜上帝云我之上帝宜有其社有其榮有
其智有其頌有其尊有其位有其技有其能永世靡暨此誠所願也一老問我
曰衣白衣者為誰適從何來對曰吾子自知之曰彼脫大難賴耶穌流
血曾滌厥衣至於潔白故在上帝殿及位前晝夜事之居總而言之天
位之主處其中彼不復飢渴日不得而曝火不得而熱

父生殖萬物是為人耶穌治理世界亦是為人俱是疼愛人之一意耳
故無論男女長幼富貴貧賤皆當信服耶穌能信服耶穌者是天父之
忠臣不信服耶穌者即魔鬼之門徒靠天父而食者必靠耶穌得救靠
天父養活身體者必靠耶穌養活靈魂使靠天父而不靠耶穌是猶出
而不由其戶入而不得其門也人當知耶穌道理即天父疼愛人之道
理非西國之道理也

論上帝生人為己之意 第十五章

上帝創造萬物增人聰明能幹令人喜快樂如此而上帝造人果何
為哉蓋欲人深明道理謹依道理而行表明天父之榮耀己耳吾觀人
事之不齊也士以誦讀為事農以稼穡為事工以制作為事商以貿易
為事有職任之責者以致君澤民安上全下為事此皆職分之所當為
者固人事之宜也而上帝生人之意在此而不專在此也夫不為其職

分之所當爲者固非上帝之意而但爲其職分之所當爲者亦不滿上帝之心上帝既欲人盡其身外之事又欲人盡其心內之理既欲人爲其職分所當爲之事又欲人明其性分所固有之理 一是要人明白自己之心性 二是要人明白自己之靈魂 三是要人明白自己之本分 四是要人明白天父之意思 五是要人明白聖書之旨意 六是要人明白萬物之道理人能如此在人世稱之爲善人在上帝謂之爲完人斯人也何人也是能表明天父之道理而榮耀上帝之人也蓋上帝生物固是爲人而上帝生人本是爲己上帝生物使物有益於人而上帝生人亦欲人有益於己不然除人以外如禽獸鱗介昆蟲草木等物亦皆上帝生之者上帝亦增其聰明乎亦增其能幹乎上帝既未增其聰明能幹其不能讚美上帝榮耀上帝也宜矣若人爲萬物之靈上帝又生物以增其聰明能幹令其喜歡快樂是不盡其職分固謂

之違背上帝卽但盡其職分而不究其性分之事與天地萬物之理亦必不能明白上帝道理以榮耀上帝是尤可謂違背上帝之甚也其與上帝生人爲己之意不大相懸殊哉如此而欲得天父之恩典也難矣且上帝不惟不恩典之而且刑罰之不觀人之植果樹者乎夫人之植果樹者非爲樹也乃爲己也所以灌溉之有年培養之有年原望其果之增盛而加多也而不然者人將何以處之哉其尚灌溉之乎其尚培養之乎吾知其必不然也其割而棄之於火也必矣若天父之生人亦猶是夫人者果樹也植樹者果樹之主也灌溉者謂主之慈悲也培養者謂主之保護也結果者表明主之道理感謝主之恩典而榮耀歸於主也割而棄諸火者又謂主之威嚴刑罰也總之人之植樹乃爲己也非爲人也上帝之生人亦爲己也非爲人也人既被上帝之慈悲以灌溉之又受上帝之恩典以培養之而不能表明上帝之道理感謝上帝

讚美上帝榮耀歸於上帝將如不結果之樹同置於火也已天地萬物上帝生之俱有_二意思在其中_一凡地之生物有人所及見者人所得用者上帝生之固爲人也若地內亦有許多珍寶之物血氣之物而爭勝於地下者又有海之生物有人所及見者人所得用者上帝生之固爲人也若海底之下又有萬樣珍寶山石花草而奪奇於海底者又有舟車所不能至之海隅荒野人力所不能通之崇山峻嶺其草木花果珍禽奇獸獨生於寂寞無人之地此皆人之所不及見所不得用者而上帝生之果誰爲哉蓋上帝之生物也槩言之上帝似乎爲人細究之上帝總是爲己如雲之形也觸石而生因風而行五色紛華萬象迭呈虹之見也紅藍著色彎曲成形如長橋兮卧波如半月兮橫空又有雪花之獨剪六出冰霄之如大珠小珠狂風之拂空直道而行旋風之徘徊捲地而生是在天之形人不得而用之者滄海之潮汐也或來或往

旋進旋退進者往之退者來之來往不斷進退有定有如出隊之兵河水之流行也或勇往而直前或千回而百轉有如巡陣之兵是在地之形亦人所不得而用之者而上帝生之果何爲哉蓋爲己也爲己之喜歡快樂也亦有其小莫比之物上帝生之亦爲己者水之原質本如珠粒以珠粒之小顆顆相合隨成江河湖海之大水珠之內亦生血氣之物趨躍於珠粒之中水之色卽爲物之體小亦極矣又花之心皆有粉顆顆成形亦極小之物非顯微鏡不能見其體質完備毛色新鮮水愈臭此物亦愈多此又人之所及見而不及見者上帝生之皆爲己也故自霄漢而下下而至於黃泉無論在天在地或可見或不可見凡爲上帝之所生者皆當感謝上帝讚美上帝令上帝喜歡快樂也如聖書

之言聖詩第十九篇云上帝兮上天彰其榮光穹蒼顯其經綸兮永朝永夕兮仰觀其象而知之兮天無言而有言無聲而有聲兮不言之言布於宇內無聲之聲聞於地極日麗於天居於次舍兮若新娶者出於房兮若勇士之喜馳逐兮出自天涯至於極煦燭萬有兮又一

四十五篇云我之上帝兮我之君王我必頌美爾揄揚爾靡已兮每日
頌爾稱揚爾名不輟兮耶和華至大神妙莫測當讚美靡已兮人必讚
爾經綸頌爾異蹟歷世弗替兮爾之光華赫奕爾之經綸顯著余傳播
之兮爾施大能俾人畏懼無不稱頌兮憶爾鴻恩詎爾仁義極力以頌
揚兮耶和華兮耶和華兮仁慈矜憫恆久施恩兮耶和華兮無不恆懷
育萬物兮耶和華兮爾有經綸榮光爛熳敬虔之士頌爾不已兮爾秉
國鈞榮華顯著能力昭彰兮人必譽揚之兮布爾經綸治理天國施厥
嚴兮爾國永存爾治靡暨兮隕越者爾輔翼之卷曲者爾卓立之兮萬
物惟爾是仰隨時給食兮爾施厥恩祈禱爾者爾左右之兮敬畏爾者
為無不義爾所行無不仁兮凡誠心祈禱爾者爾必護祐作惡不已者
必滅之兮欲爾聽厥祈而拯救之兮敬愛爾者必蒙護祐作惡不已者
俱必讚美不置兮耶和華凡在穹蒼至高之域者亦揄揚之兮天使天軍
漢著其大能兮耶和華一言萬物受造故當稱揚之兮使庶彙各得其
所歷世無替主降其命宇宙不咸兮天下生物滄海巨魚俱彰耶和華
嶺之榮光兮電閃雷降雪飄霞起狂風驟作俱遵耶和華之命兮千山萬
嶺結果樹柏香木百獸六畜昆蟲飛鳥列王人民牧伯士師幼男稚女
者老孩提咸當頌美之兮耶和華至美高於天至尊無二上使厥選民
崢嶸其角以色列族敬虔之士惟上帝是親俱宜頌揚之爾曹當美耶
和華兮又箴言第十六章第四節云耶和華所為悉隨其旨惡者屆期
刑譴必加又以賽亞四十三章第七節云凡為我赤子我肇造爾邦家
願以彰我榮耀馬書十一章三十六節云蓋萬物本於彼由彼而受造
願榮耀永歸於彼又哥羅西第一章十六節云蓋萬物以彼而受造

無論在天在地或可見或不可見或有位者或宰治者或執政者或掌
權者萬物由彼且為彼而造也彼且先於萬物萬物以彼而立又默示
錄第四章十一節云曰主歟爾宜受榮與尊與夫上帝創造世界如人
權蓋爾造萬物萬物受造而有者由爾之旨也夫上帝創造世界如人
之修蓋屋宇也者吾觀崇樓高閣之中峻宇雕牆而外陳列珍寶者有
之種植花木者有之或玩賞者有之或密藏者又有之總之非為物也
皆為己也若上帝之創造世界創造萬物其為己之意亦猶是且上帝
不但生物是為己而上帝生人尤為為己人生若長夢忽如遠行客誠
哉是言也蓋人之生也如花之朝開幕落如草之一枯一榮如雲霧之
忽來忽往忽聚忽散如海浪之消長如星象之流行而上帝生人為己
之意欲人能表明天父之道理能感謝天父讚美天父榮耀歸於天父
令天父喜歡快樂此天父生人為己之意倍切於生物為己之意也乎

論人當明白萬物之理當感謝上帝之恩 第十六章

上帝創造萬物以加增人之聰明能幹喜悅則萬物固大有益於人者

乃人知萬物之有益而不知考察萬物之理者何也天之生物皆有一
定不易之理在其中如星辰之麗於天也名象不一大小亦不一而各
有一定之道一定之分量一定之光景一定之作用太陽之照臨也其
所行之道所發之光所長養萬物之力量皆有一定之理地球之離心
力向心力其力量道理亦有一定者若人履於地球之上而在光天化
日之中乃不知考察其一定不易之理者何也不但此也即熱氣電氣
等物皆有一定之規矩凡有原質者亦皆有一定之樣式一定之分量
能幹無論有血氣之物與無血氣之物各類有各類之形質各類有各
類之性情各類有各類之作用各類有各類之標記人必明白各類之
標記始能考察各類之形質各類之性情各類之作用或有益於人或
無益於人或大有益於人如此斯可謂之明白萬物之理斯可謂之不
違背天父之意也吾想天下無無用之物亦無無益於人之物無論體

質之大小性情之善惡凡為物者皆有用也夫不有有害於人之物乎
夫不有有毒於人之物乎人能考察其性情明白其道理則有害於人
者可使而為有利於人之物有毒於人者可使而為有濟於人之物凡
有損者皆有益者也觀於電氣可知矣電氣之氣誰能當之電氣之性
孰能用之而有聰明者自能度其理達其性用之傳遞音信雖數萬萬
里之遙只在轉瞬之間是無用而大有用也至於藥味之中其以毒攻
毒者不可勝數也所謂造物無棄材蓋若此耳不謂造物無棄材而人
則棄之不但無用之材棄之即有用之材亦棄之不但小有益於人之
材棄之乃大有益於人之材而亦棄之如金石煤炭非大有用者乎上
帝生之如珍寶之藏於櫃中者中國疆宇之內其產此物之地亦多矣
乃永遠埋沒於沙土之中以有用之物置之於無用之地是亦金石煤
炭之一憾也而辜負天父之恩典尤莫甚於此再觀火輪車火輪船等

物火輪船一晝夜能行千有餘里之路乃中國之船不用火而用風致行程之無定火輪車一日能行三千里之路乃中國之車不用火而用馬甚而至於用人一日不過數十餘里豈中國無作火輪車船之材乎乃有之無如其不用何也又有電報傳信兩分之時能行萬里之遙以及寒暑表之知冷煖風雨表之陰晴此皆大有益於人者而中國人皆棄之如石頭石灰爲用更多乃今之修屋修城者多用泥常有風雨之慮傾覆之患又有鐵可以鋪道而人但行泥路有玻璃可以作燈而人但用蕙燈亦可以作窗而人但用明瓦與細紙陝西四川兩省地界皆出石油可以爲燈火之資而人但用豆油與灯心草至於藥味等類及一切微細之物中國之人其辜負天父之恩典也大矣天父生五穀所以爲人之食亦必足人之食生棉花絲麻毛革所以爲人之衣亦必足人之衣在天父之意原欲人豐衣足食樂歲終身飽凶年亦免於飢寒

熙熙怡怡喜歡而不已乃世之人惰怠成性者外不勞力於稼穡內不盡力於紡織如此者豐年猶不得衣食凶年必不免於死亡也且斯人之身體乃天父之所生則身體不得私爲己有斯人之身體即天父之身體所謂父之遺體是也乃今之人酗酒者吸鴉片烟者滔滔而天下皆是矣爲非作惡耗費錢財以傷損其體骸是糟蹋天父之恩典罪固重而糟蹋天父之身體罪尤重也且書有許多善言教人爲善亦有許多律法戒人爲惡又有許多傳教先生以宣揚道理勸人去惡遷善乃世之人誹其書毀其人貶斥其道理噫曷其不思之甚也道本於天理具於人天下無一天天下即無二道天下無一天天下即無二理道理者合天下古今而無二也豈載在西國之書傳自西國之人即謂之西國之道理乎皆上帝之道理云爾使謂西國各有其道理將謂西國各有一上帝乎夫上帝者天下萬物之大父母也試觀山川草木百穀亦

畜雖不識不知，有上帝而生長成熟，無不各盡其本分，是即可謂之順上帝之命。若人獨得上帝之聰明，而洞徹於胸中，乃屢負上帝之恩典，且誹謗西國之書，與傳教之士，謂非違背上帝之意乎？蓋耶穌之教傳於萬國，未必非上帝有天下一家之意而使之然也。不然，何其傳教之士不辭辛苦，不畏險阻，費其資斧，勞其體膚，而為所樂為？若此哉！夫上帝而名之曰天父，蓋猶父子之謂與？又稱之曰天主，亦猶主僕之謂與？子宜順親，僕宜順主，而人亦宜順上帝。子不順親，不可以為子；僕不順主，亦不能常為其僕，則揮而去之也必矣。如人能明白萬物之理，不負上帝之恩，以感謝上帝榮耀，上帝是可謂之順上帝之人。如人不欲明白萬物之理，辜負上帝之恩，不知感謝上帝榮耀，上帝是可謂之違背上帝之人。順乎上帝者，永遠興旺；違背上帝者，終必滅亡。吾告夫天下之順上帝者，當勉之；吾告夫天下之違背上帝者，當戒之。

論上帝造人是令人於今生之時以預備來生之事

第十七章

且人嘗謂人為萬物之靈，則人異於物也明矣。然人異於物者，不專在今生之日，而在來生之際，不專在生前之時，而在死後之時。蓋物只有今生之事，而無來生之事，亦生前有其事，而死後無其事，故無論物之大者小者，或有血氣者，或無血氣者，上帝生之，上帝必予以本分之能，上帝必予以本分之用，物在生前之時，第能盡其本分之能用，其本分之用，即可謂無負上帝生之之意。而其一生之事盡矣，而其本分之事亦完結矣。若人則大不然，生前固有其本分之事，而死後更有其本分之事，有人所共見之本分之事，亦有已所獨知之本分之事，使但盡其生前本分之事，與人所共見之本分之事，而未盡其死後本分之事，與已所獨知之本分之事，是終不可謂之完結其本分之事，必須明晰道理，潔淨其心，預備來生之事，此乃人之盡其本分之事，而異於物之盡

其本分之事歟。試以物之本分之事言之。如指南針之一定不移。能令人明白。東西南北。如鐘表之輪流運行。能令人明白。早晚時辰。此器用之物。能盡其本分之事者。如百穀之生長成熟。而無愆期。百果之著花結實。而有定式。此食用之物。各盡其本分之事者。如犬能守夜。雞能司晨。又如馬之奔走馳驅。是血氣之物。或大或小。皆各盡其本分之事者。凡此諸物者。但盡其生前之事。斯已耳。而死後無足論也矣。但盡其今生之事。斯已耳。而來生不足觀也矣。若人則豈其然哉。如士之居今。替古。誰謂非士之本分之事哉。農之春耕秋斂。誰謂非農之本分之事哉。工之創造製作。商之服賈牽車。誰謂非工與商之本分之事哉。知各有其本分之事。即各為其本分之事。誰謂非士農工商之各盡其本分之事哉。然如士農工商者。謂之各盡其本分之事。則可。而謂此即完結其本分之事。則不可。蓋人有今生之事。而又有來生之事。生前有其本分

之事。而死後尤有其本分之事。且生前本分之事。有盡而死後本分之事無窮。今生本分之事。猶輕而來生本分之事更重。故人但盡其身前之事。而不盡其身後之事。又不於身前之時。以預備其身後之事。雖曾盡其一生本分之事。終不可謂之盡其全生本分之事也。夫何謂盡其全生本分之事哉。其一是恭敬天父。比如有一童子於此。仁義之至。忠厚之至。起居動作。亦規矩之至。而不知孝順其父母。是雖有萬善。不可謂之盡其本分者。所以人即言無不善行。無不正。而不知恭敬天父。服事天父。禱告天父。是雖有萬長。不能盡其一短。亦不可謂之無虧於本分之事者。其二是須存最潔之心。比如有一童子。其居心本來不善。而口無實言。身無懿行。與人爭鬪之事。常有之。偶有指摘之者。亦知過而認非。乃口出禮義之言。而內藏無限禍心。且生不良之計。不善之念。抱此心以終身。其不能進天堂也必矣。又如有一人於此。全身瘡疾。

膿血不淨，加以衣服鹵結穢垢，汗染如此，而欲入富貴之門，其揮而去之也必矣。若猶是人，也前疾盡除，全體清潔，又加以文繡之衣，復有人代爲美言，力詡其善如此，而欲入搢紳之家，亦至易易耳。中國孟子書云：西子蒙不潔，則人皆掩鼻而過之。雖有惡人，齋戒沐浴，則可以事上帝。其斯之謂與？所以人不能去其不潔之心，不信服耶穌，是無有代爲善言者，而欲入天堂也難矣。有潔淨之心者，無此慮也。中國大學書云：湯之盤銘曰：苟日新，日日新，又日新。謂潔淨其身者，正謂人當潔淨其心之意也。其三是當學明道理，以預備來生之事。比如學生初入學堂，學規矩，學算盤，此皆爲以後計也。若人一生在世，亦與學生初入學者一理。人生在世所作之事，與學生所學之事亦是一理。前事之善否，卽後事之禍福，因之。故人之生也，非一生而已也。今日之日短，而來日之日長，今生之路近，而來生之路遠。人生在世，如行遠者之初登程耳。

如除此世界之外，尚有許多地球，亦有許多日月星宿，每地球都有各日月星之道理，人於生前不明白其道理，死後而欲得其全美也難矣。信乎予所言者，乃天下之公言，非予一人之私言也。不觀中國之書乎？湯誓言桀之罪，專曰：弗克若天。泰誓言紂之罪，首曰：弗敬上天。桀紂尙有不敬天之罪，士庶人當何如也？又孔子言克己復禮，孟子言養心寡欲，聖賢尙求潔清其心，庸愚者當何如也？論語之言志於道，據於德，依於仁，好古敏以求之者，豈非爲明晰道理而言哉？吾願天下人以弗敬上天者爲戒，以潔淨其心，明白道理者爲法焉。斯可矣。果能恭敬天父，潔淨其心，而又明白道理，在今生稱之爲完人，在來生亦稱之爲善人。斯人也，非天堂之內，何地能容其身哉？總而言之，人當明白天父造人，不但爲生前之世界，是教人早早預備來生之事，吾於人驗之矣。一人心本無窮期，人皆欲富而不欲貧，欲貴而不欲賤，如貧者遽富矣，乃

富而又望其富賤者遽貴矣乃貴而愈望其貴人情大抵皆然若犬馬則不知此只知飽食而已飽食以外而無他意矣人則不然人不但有今生之世界而又有來生之事情 二人生在世其境遇亦無定限無論富貴貧賤聰明蠢愚上帝令其爲人必有許多艱難困苦之事苦其心志勞其筋骨使其終身不得安息夫上帝使其不得安息者正所以增益其知能令其終身不得止息以預備來生之事此上帝生人之意也 三人心本愈用而愈靈人之能幹亦愈用而愈大所以讀書人書讀多聰明亦多能幹亦愈多亦能辦事亦能明白道理不但讀書之時能明白道理即讀書以後之時亦能會悟許多奧妙道理所及見之處所得聞之事固能明白即所不及見所不得聞之事亦能會悟能明白也若物則不然如雀鳥之修理窠巢年年如此不能一年勝於一年即其飛鳴知覺始終如一亦不能一日勝於一日若人之聰明能幹都能

由淺及深由粗及精由小及大由近及遠是永遠前進而無止境者此上帝生人之意也或者曰人至老則聰明少能幹亦少甚而至於聾瞎者亦有之然此皆身外之事若靈魂亦有少之時乎且人之聰明能幹至老而不改者世上亦不乏人也誰謂人之身體老靈魂亦與之俱老乎 四吾觀天下古今之人至將死之時而畏懼其死者亦多也吾窺其意未必非爲生前所作之事恐有不善至死後之時不敢當上帝之審判而始生其畏懼之心也此其事殆人之良心預先警人於今生之時當修來生之事與信斯言也上帝造人令人不能心滿意足者正是教人知尚有來世未來到之世界耳蓋人有老期良心無老期人有死時靈魂無死時靈魂乃永遠前進而不已者一年加增一年一年高貴一年奉事天父尤一年緊要一年天父是不欲滅絕此靈魂者比如有主理家國之責者必用人焉以使命而輔翼之其人之任其事者始而

茫然繼而釋然終且無論事之巨細盤錯無不盡美而盡善焉如此而謂主理其事者猶欲廢棄斯人而去之無是理也

格物探原五卷終

明治九年十二月廿八日版權免許

同 十一年十月五日 首卷出版

同 十一年十二月五日後卷全出版

長崎縣士族

熊野與

訓點者

熊野與

神奈川縣下橫濱山本町二番地

東京府士族

出版人

原胤昭

府下銀座三丁目十二番地

東京銀座三丁目

十字屋書舖

賣捌書肆

同之目影町二丁目

十字屋支店

3
171

